



Broj: 05/1-50-15-26-63-3/19

Sarajevo, 23. 9. 2019.

ZAPISNIK

63. sjednice Nezavisnog odbora Parlamentarne skupštine BiH

Sjednica je održana 23. 9. 2019, s početkom u 17 sati.

Sjednicu je sazvaio Enes Obraliija, prvi zamjenik predsjednice Nezavisnog odbora.

PRISUTNI ČLANOVI NEZAVISNOG ODBORA: Enes Obraliija, prvi zamjenik predsjednice Nezavisnog odbora, Mato Jozić, drugi zamjenik predsjednice Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić, Ljubomir Kuravica i Vladimir Jurišić, članovi Nezavisnog odbora.

ODSUTNI ČLANOVI NEZAVISNOG ODBORA: Tatjana Klječanin-Martić, predsjednica Nezavisnog odbora, opravdano odsutna.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu su pratili i Enver Bogučanin iz Sektora za odnose s javnošću Sekretarijata Parlamentarne skupštine BiH, te Dijana Šatara i Senad Zlatar, predstavnici OHR-a.

Sjednicom je predsjedavao prvi zamjenik predsjednice Nezavisnog odbora Enes Obraliija.

Konstatirajući da postoji kvorum, otvorio je 63. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 62. sjednice Nezavisnog odbora;

2. Razmatranje pristiglih prijava na Javni konkurs za provođenje procedure odabira kandidata za izbor direktora Državne agencije za istrage i zaštitu;
3. Informacija o posjeti članova Nezavisnog odbora Državnoj agenciji za istrage i zaštitu;
4. Tekuća pitanja.

Ad. 1. Usvajanje Zapisnika 62. sjednice Nezavisnog odbora

Zapisnik 62. sjednice Nezavisnog odbora jednoglasno je usvojen, bez primjedbi.

Ad. 2. Razmatranje pristiglih prijava na Javni konkurs za provođenje procedure odabira kandidata za izbor direktora Državne agencije za istrage i zaštitu

U vezi s ovom tačkom dnevnog reda, prvi zamjenik predsjednice i članovi Nezavisnog odbora utvrdili su metodologiju otvaranja i pregledanja pristiglih koverata. Na Javni konkurs za provođenje procedure odabira kandidata za izbor direktora Državne agencije za istrage i zaštitu blagovremeno je pristiglo pet prijava. Nakon uvida u pristigle prijave, članovi Nezavisnog odbora konstatirali su da su se na Javni konkurs prijavili sljedeći kandidati: Goran Zubac, Darko Čulum, Perica Stanić, Njegoš Jovanović, Žarko Laketa.

Nakon uvida u dostavljenu dokumentaciju traženu Javnim konkursom, konstatirano je da urednu dokumentaciju imaju četiri kandidata: Goran Zubac, Darko Čulum, Perica Stanić i Žarko Laketa.

Uvidom u dokumentaciju Njegoša Jovanovića konstatirano je da nije priložio radnu biografiju (CV) sa izjavom o nacionalnom opredjeljenju u originalu ili od nadležnog organa ovjerenu kopiju dokumenta.

U vezi s tim, Nezavisni odbor jednoglasno je donio sljedeći

ZAKLJUČAK

Nezavisni odbor je zaključio da prijavu kandidata Njegoša Jovanovića treba odbaciti zato što uz prijavu na Javni konkurs za provođenje procedure odabira kandidata za izbor direktora Državne agencije za istrage i zaštitu nije priložena originalna ili od nadležnog organa ovjerena kopija biografije (CV) sa izjavom o nacionalnom opredjeljenju, a što je jasno zahtijevano tekstom Javnog konkursa.

Članovi Nezavisnog odbora dogovorili su se da u međuvremenu treba po službenoj dužnosti dopisom zatražiti od nadležnih ministarstava unutrašnjih poslova dokaz o neosuđivanju, nakon čega će kandidati biti pozvani na intervju.

Ad. 3. Informacija o posjeti članova Nezavisnog odbora Državnoj agenciji za istrage i zaštitu

U uvodu u ovu tačku dnevnog reda prvi zamjenik predsjednice Nezavisnog odbora Enes Obralića istakao je da su Adisa Begić, Nikola Džambas i Vladimir Juršić, članovi Nezavisnog odbora, danas, 23. 9. 2019, posjetili Državnu agenciju za istrage i zaštitu i sastali se s njenim rukovodstvom, te otvorio raspravu. Adisa Begić, članica Nezavisnog odbora, ukratko je informirala prisutne članove Nezavisnog odbora o predmetnom sastanku te istakla kako će o ovoj posjeti biti sačinjen pisani izvještaj koji će biti predmet rasprave na sljedećoj sjednici Nezavisnog odbora.

Informacija o posjeti članova Nezavisnog odbora Državnoj agenciji za istrage i zaštitu jednoglasno je primljena k znanju.

Ad. 3. Tekuća pitanja

U okviru ove tačke dnevnog reda nije bilo rasprave.

Prvi zamjenik predsjednice Nezavisnog odbora Enes Obralića zaključio je sjednicu u 18.05 sati.

**SEKRETARKA
NEZAVISNOG ODBORA**

Ivana Lovrić

**PRVI ZAMJENIK PREDsjedNICE
NEZAVISNOG ODBORA**

Enes Obralića